

تورك تاريخ انجمنی

مجموعه سی

مقدمهات

عثمانی دولتی عمومی حربده بیطرف قلابیلیمیدی ؟	آقچورا اوغلی یوسف
مصر فتحی مقدمانه عاظمهم برویقه	خلیل ادهم
مشامیر مجهوله	ابن الامین محمود کال
خواجه تحسین	نجیب عاصم
مصر والیسی محمد علی پاشا	علی فؤاد
منلا فتاری	حسین حسام الدین
« نفی » به داتر	ابن الامین محمود کال
انجمن راپوری	احمد رفیق

آدرهس : استانبول ، دارالفنون بناسی داخلنده ، تورك تاريخ انجمنی
آبونه قیدی ایچون انجمنه مراجعت اولونور

استانبول — دولت مطبعه سی

1928

فیثاتی 75 غروش

انجمن راپوری

بدايت تشكيدن ۱۹۲۷ سنه قدار انجمنك ايفا ايله ديكي وظائفه دائر سابق رئيس احمد رفیق بك طرفندن انجمنده قرائت اولونان راپوردور :

تورك تاريخ انجمنك متخصص وكزيده ذواتدن مركب اولارق يگيدن تشكيل اولونماسي وو كالت جليله نك عاجز لر يني ده تكرار يكي انجمنك اعضاسي ميانه ادخال بويورماسي حرمت وشكرانه قارشيلارم . مع مافيه ، سابق انجمنك رئيسي صفتيله ، مذكور انجمنك اون آلتى سنه لك مساعيسي حقنده محترم رفقايله مختصراً عرض معلومات ائمه يني ده كندم ايچين بر وظيفه تلقى ايلارم .

(تورك تاريخ انجمنى) بداية (تاريخ عثمانى انجمنى) ناميله تشكيل ايديلشدى . انجمنك تاريخ تشكيلى ۱۴ ذى القعدة سنه ۳۲۷ و ۱۴ تشرين ثانى سنه ۳۲۵ در . انجمنك تشكيلندن مقصد ، محترم رفقا مزدن نجيب طاصم بك افندى طرفندن تنظيم و هيئت عموميه جه قبول اولونان تعليمات نامه ده مصرح اولدوغى وجه ايله ، دولت عثمانيه نك مكمل بر تاريخى وجوده كتيرمك وتاريخ عثمانى به حائذ رسائل واوراق وقيوداتى طبع ونشر ، ايله مكدى . انجمن ، اول امرده بو غايه يي تعقيب ايدرك چاليشمش واعضادان نجيب طاصم ومرحوم محمد حارف بككر طرفندن (عثمانلى تاريخى) ناميله بويوك بر جلد تحرير ونشر اولونمشدر . فقط بالا آخره ، انجمنك وظائفى داها علمى ونشرياتى داها واسع وداها مثبت بر شكله افراغ ايتمك لزومى حس ايديلشدر . محترم رفقا جه ده مملوع مدركه ، دولتك رسى وثيقه لرى ايله مى تاريخمزه حائذ يازما اثرلر علمى بر صورتده تحشيه ايديله رك نشر ايديله دجه تام ووثاقه مستند بر مى تاريخ وجوده كتيرمك امكانسزدر . بوندن باشقا ، آلدن موجود ومطبوع وقعه نويس تاريخلرى ده مختلف نسخهلر قارشيلاشدير يلاق طبع ايديله ديكي ايچين سراپا متن ومرتب خطالريله دولودر . بو نقطهلر نظر اعتباره آليناق انجمن تعليمات نامه سى تعديل وانجمنك وظائفى شو شكله تحويل قيلنمشدر :

« انجمنك وظيفه سى مى تاريخمزه دائر مونوغرافيلر تحرير و وثيقه لرى جمع وغير مطبوع آثار مهمه ايله وقعه نويس تاريخلرينك اك دوغرو نسخهلر يني تكراراً طبع وتور كجه نك غيرى لسانلرده تاريخمزه حائذ مؤلفاتى ترجمه وتورك اداره سنده بولونمش اولان ملل وممالكك او زمانلره حائذ تاريخه دائر تبعات اجرا واثرلر تأليف وممالك سائرده بولونان

قیمتدار وثیقه لک فوطوغرافیلرینی اخذ ونشر ایدرک بو صورتله مکمل بر ملی تاریخ وجوده کلمه نه خدمت ایله مکدر .

انجمن بو پروگرام داخلنده بر طرفدن ایکی آیده بر انتشار ایدن مجموعه سی منتظماً نشر ایله دیکی کی، دیگر طرفدن ده مجموعه ده علمی قیمتی حائز بر چوق مقاله لردن ماعدا، آریجه علاوه صورتیه آتیده کی اثرلری طبع ایله مشدر :

- ۱ — تاریخ سلطان محمد خان ثانی، مؤلفی قریتو وولوس
- ۲ — قانوننامه آل عثمان (فاتحک)
- ۳ — قانوننامه آل عثمان (سلمان قانونینک)
- ۴ — محروسة استنبول فتحنامه سی (تاجی زاده نک)
- ۵ — واقعات سلطان جم
- ۶ — تاریخ ابوالفتح (طورسون بکک)
- ۷ — خلاصة الكلام فی ردالعوام (قوجه سکبان باشینک)
- ۸ — ایران سفارتنامه سی (رفیع افندینک)
- ۹ — پارس سفارتنامه سی (السید علی افندینک)
- ۱۰ — تاریخ جامع شریف نور عثمانی
- ۱۱ — تاریخ غلمانی (محمد خلیفه نک)
- ۱۲ — عمدة التواریخ (قریمی عبدالغفارک)

تعلیماتنامه ده تعدیلات اجرا ایدیلدکن صوگرا، (تاریخ عثمانی انجمنی کلیاتی) نامیه برکلیات وجوده کتیریلش بو میانده ده آتیده کی اثرلر انتشار ایله مشدر :

- ۱ — ممالک عثمانیه ده دمیر باش شارل، احمد رفیق (قالامشدر)
- ۲ — ممالک عثمانیه ده قرال راقوچی، احمد رفیق (قالامشدر)
- ۳ — بر ایلچینک تاریخچه سفارتی، خیرالدین ندیم
- ۴ — عثمانیلر وبویوک فره دریق، احمد رفیق
- ۵ — قیصریه شهرى کتابه لری، خلیل ادهم
- ۶ — اونجی عصر هجریده استانبول حیاتی، احمد رفیق
- ۷ — لامارتین، از میرده کی جفتلکی، احمد رفیق

۸ — تورکیده ملتجیلر مسئلهسی، احمد رفیق

۹ — مناقب هنوران، ابن الامین محمود کمال

انجمنك مجموعهده انتشار ایدن مقالاتندن بعضیلری ایله بو اثرلر كرك مملكتتمز و كرك آوروپا محافل علمیة سنجدهه تقدیر و ترجمه اولونمشدر .

انجمن مجموعهسی ۷۷ نجی نومرویه قাদار (تاریخ عثمانی انجمنی مجموعهسی) ، و ۷۷ نومرودن سوكراده ، انجمن عنوانك (تورك تاريخ انجمنی) نه تحویلی اوزرینه ، (تورك تاريخ انجمنی مجموعهسی) نامیله انتشار ایله مشدر . انجمن مجموعهلرینك ایلك دورهده اولدوغی کبی ، بالخاصه صوڭ دورهده انتشار ایدن نسخهلرنده صرف وثائقه مستند و شیمدییه قدار بیلینن بعض معلوماتی تصحیح ایده جك درجهده اوریزینال مقالهلر و تصنیف ایدیلن اوراق آراسنده ظهور ایدن فاتح دورینه عائد الك اسکی وثیقهلر مندرجدر .

انجمن اعضای صوڭ ایکی سنه مستثنا اولوق اوزره اون سنه مدت ظرفنده بوتون مساعی و نشریاتی هیچ بر حق حضور و هیچ بر حق تحریر آلمایارق فخریاً و مجاناً ایفا ایله مشدر . بالکز کلیات میاننده انتشار ایدن اثرلر ایچون فورمه باشنه اوچ کاغذحق تحریر ویریلشدر . مع مافیة صوڭ ایکی سنه ظرفنده ویریلن حق حضوركده آنجاق بر بوجوق لیرا و مجموعهده مندرج مقالهلر ایچین تدقیق اثری اولانلرک صحیفه سنه اللی غروش و متلره یکریمی بش غروش ویرلدیکی نظردقه آلینیرسه ، انجمن اعضاسنك صرف علم و تدقیق عشقیه چالیشمش بولوندوغنی هیئت علیهلرینك تصدیق بویوراجفته امینم .

مع مافیة ، وسائط و معاونتک فقداننه رغماً کوستریلن بومساعی تورکیه جمهوریتی کبی خزینة اوراقی زنکین وبا کر و تورك ملتی کبی محتمم بر ماضییه مالک بر دولت و ملت ایچین کافی دکلدی ؛ انجمنك مساعی و نشریاتی داها علمی و داها واسع بر شکه صوفق لازمیدی . محترم نامنی هیئت علیه حضورنده حرمتله آکمای مبعجل بروظیفه بیلدیکم عبدالرحمن شرف افندیك ابرتحالیله ریاست عهدة عاجزییه تودیع بویورولدقندن سوکرا ، انجمن اعضای محترمه سنه وقوع بولان تکلیغم اوزرینه انجمنك وظائف و مساعیننی تثبیت ایچین یگی بر تعلیماتنامه ویگی بر پروغرام تنظیم و برای تصدیق وکالت جلیلهیه عرض ایدیلشدی . مذکور تعلیماتنامه نك انجمن وظائفنه عائد مادهسی اساس اعتباریله اخیراً قبول ایدیلش اولان ماده نك عینی اولدوغی کبی ، انجمنك نشریات پروغرامی ده ایکی قسمه

آيرىلىشىدى : بىرى صرف خزىنە اوراق و ئاۋىقنىڭ دىكرى دە مىلى تارىخىمىزە عاۋىد ك قىمتلى
و غىر مطبوع اۋىق نىشى .

خزىنە اوراق و ئاۋىقنىڭ نىشى ايچىن تىظىم اولونان پروغرام بروجە آتتى ايدى :

- | | |
|--------------------------------|------------------------------------|
| ۱ — توركىيە — فرانسه | ۱۷ — تورك اداره سنده افلاق و بغداد |
| ۲ — توركىيە — آوستريا | ۱۸ — تورك اداره سنده تونس و جزاير |
| ۳ — توركىيە — روسيا | ۱۹ — يمن و حجاز مسئلەسى |
| ۴ — توركىيە — ايران | ۲۰ — يونان مسئلەسى |
| ۵ — توركىيە — انكلترە | ۲۱ — مملكتين مسئلەسى |
| ۶ — توركىيە — فلېنك | ۲۲ — صرب مسئلەسى |
| ۷ — توركىيە — اسوچ | ۲۳ — بولغار مسئلەسى |
| ۸ — توركىيە — لهستان | ۲۴ — مصر مسئلەسى |
| ۹ — توركىيە — ونديك | ۲۵ — سوريە و لبنان مسئلەسى |
| ۱۰ — توركىيە — بوخارا | ۲۶ — روم ايلي ادارهسى |
| ۱۱ — توركىيە — فاس | ۲۷ — آناطولى ادارهسى |
| ۱۲ — توركىيە — پروسيا | ۲۸ — معارف تشكىلاتى |
| ۱۳ — توركىيە — دو بروونيك | ۲۹ — عسكرى تشكىلات |
| ۱۴ — تورك اداره سنده مصر | ۳۰ — اوقاف تشكىلاتى |
| ۱۵ — تورك اداره سنده ماجارستان | ۳۱ — توركىيەدە غىر مىسلىر |
| ۱۶ — تورك اداره سنده قرىم | |

نىشى تىظىم اولونان يازما اۋىقلىرىدە شونلاردى :

- | | |
|--------------------|-----------------------------|
| ۱ — نىشى | ۷ — رودوس فتحى (عاليك) |
| ۲ — روحى | ۸ — مصر سياحتنامەسى (عاليك) |
| ۳ — حديثى | ۹ — سلاڭىكى تارىخى |
| ۴ — هنرنامە | ۱۰ — سلحدار تارىخى |
| ۵ — تاريخ ابن كمال | ۱۱ — اوليا چلبى (يگىدن) |
| ۶ — طبقات الممالك | ۱۲ — قارا چلبى زاده ذىلى |

فقط بو پروگرامك تطبیق ایچین اولا وسائط نقدیه لزوم واردی . انجمنك ایلک دورده تخصیصاتی مجموعه طبیعی ایچین یوز و اثر نشری ایچین ده ینه یوز ایرادن عبارتدی . اولجده ده عرض ایندیکم وجه ایله مجموعه ده انتشار ایدمك مقاله لر ایچین اجرت تحریریه ایله اعضایه حق حضور یوقدی . صوگ دورده ایسه بوتون نشریات و حق حضور ایچین بودجهیه قونولان پارا سنده بیک سکرز یوز ایرادن عبارتدی . بو قادار آز بر تخصیصات ایله آنجاق مجموعه نك نشری قابلدی ، و تنظیم ایدیلن پروگرامك تطبیقنه قطعاً امکان یوقدی .

ثانیاً انجمن اعضاسنك متجانس و عین تاریخ اصوللریله مجهز و بالخاصه سائر وظائفه حصر وجود ایتمه لری لازمدی . انجمن اعضاسندن بر قسمی ایچین بو احوال و شرائط داخلنده انجمن ماعینه حصر وجود ایتك امکان نزدی . انجمنه کنج و فعال عنصرلرک ادخالی و انجمنك آوروپاده کی مماثل انجمنلر کی چالیشابیلیمه سی ایچین تعدیلات اجراسنه لزوم واردی . بو احتیاجی ریاسته وکالت ایله دکلری زماں محترم رفیقمر نجیب طاصم بك افندی ، و ریاستم زماننده ده عاجزلری وکالت جلیله نك علاقه دار ارکانه عرض ایله دک ، و نهایت انجمنمزك شو صورته تشکیله موقیبت حاصل اولدی .

هیئت محترمه ده تصدیق بو یوررلرکه ، انجمنمزك وظیفه سی ملی تاریخمزك احیاسی نقطه نظرندن بویوک و مبجلدر . واقعا تعلیماتمه ده ، بالخاصه اون دو قوزنجی عصره طائد و ثائقك نشری نظر اعتباره آلینش ایسه ده ، داها اولکی عصرلره طائد و ثائق و آثار مهمه نك نشری ده انجمنمزك جمله وظائفنددر . بو و ثائقك نشری تورکلرک اجتماعی ، اقتصادی و سیاسی حیاته دائر پک جوق پک مهم معلوماتك اورتایه چیقماسنی تأمین ایدمبیله چکی کی ، اوروپا محافل علمیّه سنجه علیهمزه تاویل اولوغنی ده کوستره جکدر . شیمدی یه قادار تورک خزینه اوراقی بر طرزده جریان ایتش اولدوغنی ده کوستره جکدر . بو و ثائقك نشری بوتون اوروپا محافل علمیّه سی علاقه دار ایدم جکدر . تورکک ماضیتی و استقبالی تنویر ایدم جک بویله ملی و مبجل بر وظیفه نك ایفاسی ایچین وکالت جلیله طرفندن انتخاب بویورولان قیمتدار و کزیده بر هیئت محترمه نك اعضاسی اولمائی کندم ایچین اک بویوک بر شرف و اک بویوک بر مدار مفخرت عد ایدم رم . بناءً علیه بو خصوصده وکالت جلیله یه عرض شکران ایدم ، و هیئت محترمه یه موقیتلر تمنی ایله رم .

تورک تاریخ انجمنی سابق رئیس